

Izjava OHR-a na konferenciji za medije međunarodnih organizacija

Visoki predstavnik u Brussels-u

Visoki predstavnik, Paddy Ashdown, danas je u Brussels-u gdje se sastaje sa Javier Solanom, Glavnim tajnikom Vijeća Europske Unije i Posebnim izaslanikom za zajedničku vanjsku i sigurnosnu politiku. Pored toga Visoki predstavnik će imati i seriju sastanaka sa drugim visokim dužnosnicima EU i NATO-a.

Visoki predstavnik će razgovarati o napretku BiH u procesu stabilizacije i pridruživanja, članstvu u NATO programu Partnerstvo za mir, pripremama za primopredaju između SFOR-a i EUROFOR-a, te o suradnji BiH sa Tribunalom u Hagu.

Nadamo se da ćemo vam više detalja biti u mogućnosti dati nakon razgovora kojeg će Visoki predstavnik sa gospodinom Solanom imati danas tijekom poslijepodneva.

Prvi zamjenik visokog predstavnika i direktor USAID misije posjetit će Privredno odjeljenje Općinskog suda u Sarajevu

Prvi zamjenik visokog predstavnika Donald Hays i director misije USAID-a Howard Sumka u srijedu će posjetiti novo-formirano Privredno odjeljenje pri Općinskom sudu u Sarajevu. Predsjednica Suda Aida Salčinović-Kuljanin, te sudije Privrednog odjeljenja informiraće Ambasadora Haysa i gospodina Sumku o aktivnostima Odjeljenja.

Ambasador Hays, gospodin Sumka i Sudija Salčinović-Kuljanin će odmah po završetku sastanka odgovoriti na novinarske upite. Donio sam Obavještenje za medije sa detaljima.

Privredna odjeljenja su uspostavljena kroz preraspodjelu sredstava i reorganizaciju kadrova, kako bi privredne predmete mogli detaljno saslušavati sudije kojima je privredno pravo uža specijalnost. Cilj je riješiti nagomilane privredne predmete u BiH te smanjiti prosjecno vrijeme rješavanja privrednih predmeta na sudovima kako ne bi više trajali godinama nego mjesecima.

Ovo je od ključne važnosti kako bi se osigurale veće investicije, te stvorili uslovi za privredno preuzimanje. Nezgrapn sistem privrednih parnica tjera potencijalne investitore. Oni neće uložiti svoj novac u BiH ako se boje da će u slučaju nesporazuma, ostati zaglavljani u dugim sudskim parnicama. Dalje, spore pravne procedure šalju signal da vlasti nisu ozbiljne u svojoj namjeri da stvore konkurentno poslovno okruženje. Uspostavljanje Privrednih odjeljenja šalje suprotan signal – BiH je veoma otvorena za poslovanje i ozbiljna je u nastojanjima da privuče ulaganja koja mogu otvoriti nova radna mjesta i podići životne standarde.

Uspostavljena veterinarska komora FBiH

Jucer su se predstavnici veterinarskog udruženja BiH i veterinarskog udruženja Herceg Bosne usuglasili oko konačnog teksta statuta koji će regulirati rad nove veterinarske komore FBiH.

OHR pozdravlja ovaj dogovor kao na putu razrješavanja postojećih pitanja, te time uklanjanja preostalih zapreka na uspostavljanju konkurentne i moderne veterinarske službe, a što je od velike važnosti kako za sigurnost ishrane, pospješivanje oporavka poljoprivrede tako i za BiH integriranje u Europu.

Nova Komora FBiH će doprinijeti kvalitetnijem veterinarskom nadzoru u BiH te će igrati ulogu u promoviranju reformi u veterinarskom sektoru, reformi koje će biti potrebne ukoliko BiH želi naciniti napredak u procesu stabilizacije i

pridruživanja. Uspostava komore također čini i ispunjenje
jedne od preporuka faze 2 Buldozer komisije.